



Sesida dals

25 d'october 2022

Communitgà ils

27 d'october 2022

Protocol nr.

822/2022

Dumonda Collenberg

concernent la rait da telefonia mobila en la Ruinaulta

Resposta da la Regenza

Ina rait da telefonia mobila effizienta sin las axas da traffic principalas dal chantun – latiers tutga er il traject da viafier tranter Cuira e Glion cun la Ruinaulta – è ina premissa fundamentala per l'attractivitat dal chantun Grischun. Ina infrastruttura a bin-del ultralad cun cabel u però er senza cabel e che corresponda al standard actual per lung da las vias da traffic e da las rutas da pendularis, è impurtanta per ina gronda attractivitat d'abitar e da lavurar.

Tar la dumonda 1: Ina rait da telefonia mobila effizienta vegn giavischada resp. Pretendida pli e pli savens da pendularis, turists e da lavurants. Cun ina rait da telefonia mobila adequata pon gestiunarias da viafiers e d'infrastructuras sco la Viafier retica plinavant pussibilitar a lur clientella l'access a purschidas digitalas ed uschia realisar marschas bruttas, communitgar cun la clientella p.ex. en cas da problems da colliaziun u da retards. Areguard l'infrastructura pon ellas però er survegliar en temp real il stadi dals binaris, da las stgomias u dals indrizs digitalas.

Tar la dumonda 2: La Viafier retica ha terminà in studi da project per meglierar la rait da telefonia mobila sin il traject da la Surselva. Tenor quest studi èn previs 50 fin 60 lieus sin l'entir traject. Ils blers da quests lieus èn previs per cuvrir la rait en la Ruinaulta, nua che la qualitad da la telefonia mobila è oz nauscha u nua ch'i n'ha per part insumma nagina rait. Tenor il studi importa il volumen d'investiziun per quest traject ina summa da plirs diesch milliuns francs. Per meglierar la comunicaziun mobila èn da princip cumpetentas las gestiunarias d'infrastructuras, perquai che mo ellas han

las concessiuns da la Confederaziun per metter a disposiziun raits da telefonia mobila publicas.

Tar la dumonda 3: Guardar resposta a la dumonda 2. Sin il traject da la Surselva vegn utilisà en l'avegnir supplementarmain material rullant cun WLAN, quai che gida medemamain a meglierar la situaziun.

Tar la dumonda 4: Cun il concept da promoziun «Bindel ultralad dal Grischun» che la Regenza ha approvà il november 2018, ha il chantun Grischun mess a disposiziun in instrument per promover la cumplettaziun da las infrastructuras a bindel ultralad cun contribuziuns chantunalas. La finamira è d'ina vart da colliar il chantun cun infrastructuras da comunicaziun a bindel lad cun cabel, ma er da crear premissas idealas per ina concorrenza a favur d'ina concepziun dals pretschs cumparegliabla cun territoris urbans.

La promoziun da la construcziun d'indrizs per la telefonia mobila cun meds finansials dal chantun Grischun n'è betg previsa. Per quai mancan las basas giuridicas. Il medem vala er per in sustegn finanziel sur la Lescha davart la promoziun da la transfurmaziun digitala en il Grischun (LTD; DG 960.100).



En num da la Regenza

Il president:

A handwritten signature in black ink, appearing to read "M. Caduff".

Marcus Caduff

Il chancelier:

A handwritten signature in black ink, appearing to read "D. Spadin".

Daniel Spadin